

Auch von den folgenden Versen stehen in der oben genannten Münchener Hs. nur die sechs ersten Verse:

- Sicut cera fluit subito percussa calore,  
 Sic fluit in lacrimas iuvenis percussus amore.  
 Ignis ut incendit et devorat arida ligna,  
 Sic iuvenem mulier circumvenit arte maligna.  
 5 Ligna movent flammās, et ab ipsis incinerantur:  
 Sic Venus urit eos, qui semper ei famulantur.  
 Sed monitis, captive, meis si credulus esses,  
 De puteo iam sulphureo revocabilis esses,  
 Sicut Ulixes eos celebri virtute redemit,  
 10 Quos illi species et dulcis cantus ademit.  
 Sicut flamma cadit subductis undique lignis,  
 Aufer amatores, Veneris sic corrueat ignis.  
 Multos in cineres amor impulit iste prophanus:  
 Aufer amicitias, si vis requiescere sanus.  
 15 Sed si sanus eris, si forte loqueris ad illam,  
 In flammam poteris tenuem sufflare favillam,  
 Et novus ardor erit iam peior flamma priore,  
 Nec levis est reditus de tartarea regione.  
 Hec tibi sufficiant, non omnia sunt memoranda:  
 20 Si minus est aliquid, cum tempus erit, michi manda.

Nun folgt noch allerlei in buntem Wechsel:

- Qui spiras ubi vis, sanctus michi spiritus adsis,  
 Aspirans votis, qui sensum das ydiotis.  
 § Quanto maiores mundi sunt huius honores,  
 Tanto maiores procedunt inde labores.

Dann die 5 Hexameter von Hildebert de mutatione locorum in missa: 'Est ratio, cur — fideles' (Beaug. p. 1149, Migne 171, 1192), vgl. Hauréau, Mél. p. 151. Ferner verschiedene Sprüche, besonders auch gegen die Weiber, welche häufig vorkommen:

- Iudice me fas est fraudem depellere fraude.  
 Fallere fallentem non est fraus, fraude carentem  
 Fallere non est laus, immo si fallitur, est fraus.  
 § Sub facie tincta macie, sub simplice veste  
 Sunt hodie fraus, insidie, mentes inhoneste.  
 § Quislibet ypocrita specietenus est heremita,  
 Mente tamen tacita latet anguis habens aconita.  
 § Femina res fragilis, res subdola, res puerilis,  
 Est pluvie similis: optata diu, cito vilis.  
 § Femina dulce malum, rosa fetens, dulce venenum,  
 Semper prona rei, que prohibetur ei.  
 Femina fallere falsa que dicere quando cavebit,  
 Secana piscibus et mare fluctibus ante carebit.  
 § Vina bibat mane, cerebrum qui portat inane,  
 Quem percussit heri copia multa meri.